



HIVULIQTI AKEEAGOK

TUHAQTIDJUTAA

Nunavut havaqatigiliqtait Yukon, Nunatsiaq, ukuallu Iligiiktut Kanadami ihuaqhautikhanik qajangnarnianik U.S taaksiijautait Kanadian tamajainnik.



Kanatap Hivuliqtiit pulaaqaqtut Washingtonmun

Iidjirurvia 12^{mi}, Kanatap hivuliqtiit katimaqatigijait ilaujut nutaat United States Titiqijingit, Congressngit, uvalu nanminiaqatut hivuliqtiit ikajuqlugit pihimajaangani hakugiktumik Kanatami-U.S. ilaqatigiiktut. Hivuliqti P.J. Akeeagok ilauvakhimajurlu katimadjutikharnik talvani U.S. unalu Danish ilauvakhimajunik uqagianganik iliatigiiktukharnik piumaluaqtainik, ilaujut maniliurutikharnik pivalliadjutikharnik Ukiuktaqtuniituniklu munagidjutikharnik.

➤ [Taiguaqhimmaarit](#)

Hivulliit Ministat katimajut uqautiumaplugit Kanata-US kut ilaudjutait

Hivuliqti P.J. Akeeagok ilauqatigiliqtait hivuliqtiit Ubluqtuhinia 15^{mi} katimqatigiplugu Kanadaup Angajuqqarjuanga Justin Trudeau, ihumagilluaqhugu Kanada-U.S. ilaruhiit imaalu taaksiit. Hivuliqti Akeeagok uqattiaqhimajuq anginiqarniani Ukiuqtaqtumi atanniqtuidjutaani munarinikkullu tahamani pijumajainni Ukiuqtaqtumi. ➤ [Taiguaqhimmaarit](#)



Katimaqatigivakhimajait Nunavunmi Havakvikjuat

Hivuliqti Akeeagok katimaqatigijait Nunavunmi nanminiaqatut hivuliqtiit Iidjirurviani uqatigijaangani hulaqutauniatigut U.S. taaksiit tununganirnimi qiniqhialutiklu hanaqidjutit hakugikhijuumiriangani Nunavunmi maniliurutait. ➤ [Taiguaqhimmaarit](#)



Ukiuqtaqtumi Kanadamiutaungittut Atugakhaq

Ubluiqtirviani, Hivuliqti Akeeagok ilauvaktuq aullaqtir-utaanun Kanadaup nutaaq Ukiuqtaqtumi Aihini Nunarjuani Atugakhaq. Una atugakhaq hivulliutijaujuq ukiuqtaqtumi pijumajainnik amirittiarutiniklu, piangaijarnikkut mahulingainikkullu Ukiuqtaqtumi tamainnun Kanadamiunnun. ➤ [Taiguaqhimmaarit](#)



Hivuliqti Akeegok tun'ngahuk-tittijaat hiqiniq Iglulikmi

Hivuliqti Akeegok pulaaqpakhimajuq Iglulikmun ubluqtuhirviami ilaujukharnik talvani Utiqtifaarnikkut Hiqinirmin quviahuutigijaujuni. Katimaqatigivakhimajait Iglulikmi miijangit Hamilaatkuni katimajiingit, ilauvakhimajut nunalaani niriqatigiiktukharnik quviahuutikharnik, ihumaliuqhunilu pitquhiliqinikkut aannuraangit tautuktihimaanginaqtuni. Hivuliqti quviahuutigijumajaa Maligaliuqti Joanna Quassa nunallaamilu Iglulikmi ilaganaitumik itkautitivakhimajut uvalu pijakhanik uqautigilugu una nakuujuq quviahuutit pitquhikkut uvalu nunallaanut. ➤ [Taiguaqhimmaarit](#)



Kavamatuqatkut maniliqtuqtait Iqaluit Imarmit alrujaqtuutikharnik havaakhaq

Iidjirurvia 4^{mi}, kanatani Minista Anandasangaree tuhaqtitivakhimajuq \$6 milian tallamik maniliurutikharnik ikajuutikharnik Nunavut Nukkiksautiit Kuapuraisingit Iqalungni Imarmit Alrujaqtuutikharnik Havaaqhangit. Una manik hivumuqtiniaqtaa hananikkut uvalu idjuhikhaa havaktakhaq ihagiagijaujuq havaklugit atuguminaqtumik imaq pauwaqarvik haniani Iqalungni, naunaijaqlugu angijumik atugahaq mikhaanun halumajumik auladjutinik Nunavunmi. ➤ [Taiguaqhimmaarit](#)



Aulatitiniaqtuq talvuuna Inuusivut Annirnaqtut Hanaqidjutikharnik Upalungairutikharnik

Uvani Tattiarnaqhilirvia 30, 2024, Kavamatkut Nunavunmi, havaqatigiblugit ukua Nunavut Tunngavik Inc., Piliihimat, ukualu Iqittiaqhimalugu Inuuhiq Katimajiit, aularutijaat hitamajuq Inuusivut Annirnaqtut Hulidjutinun Upalungaijautit. Una qanuriliurutikhat upalungaijautikhat angijuuq qanuriliurutikhaq hivumut uqautigilugit ininiiqtailinikkut uvalu akhuuqhaiblutik ihumakkut aaniaqtailinikkut Nunavunmi.

➤ [Taiguaqhimmaarit](#)



Aqsarniit Havaakhaniklu Qungiaklutik Katimajuaqnirlu

Hivuliqti Akeeagok ilauvaktuq Aqsarniit Havaakhanun Qunngiaktitijunik Havaanganik Katimajuarutikharniklu Ottawami uvani lidjirurviami taima angadjutigijauvakhimajuq uqaqtuivakhimagami. Hivuliqti uqautigijait ihumagijait maniliurnikkut pijakhanik Nunavunmi naunaijaqhugu akhuurutit Ukiuqtaqtumi munaridjutit uvalu ataniudjutini.

➤ [Taiguaqhimmaarit](#)

Hivuliqti pulaaqpaqtuq Nunavutim hanaugaliurnikkut

Uvani Hikutirvia 2024, Hivuliqti Akeeagok ilauvakhimajurlu qungiakhugit Nunavunmi Inuit titiraujarnikkut uvalu kinguani tamajat uvani WAG-Qaumajuq uvani Winnipegmi, Manitobami uvalu Kanatami Ingilgaaqnit-aqaqvikmi Nunami Ingilgaaqnit-aqaqvikmi uvani Gatineau, Quebecmi. Pulaaqtaqtut naunaiffaqaqtait akhuurutinga kagitifaagianganani Nunavuutim pitquhingit nunaptingnun, taimaa Nunavummiut ajurnaittumik piinarialeqihimajuq ilaliutigiami ilitquhiangit, piliurninnganiklu, kinaujaakhaaniklu. ➤ [Taiguaqhimmaarit](#)



Katimaqatigivakhimajait Hivuliqti Kinew

Hikutirviami, Hivuliqti Akeeagok quviahuktuq katimaqigivakhimagamiuk Manitoba Hivuliqti Wab Kinew uqautigiplugit tamarmik hivulliutijaujukhat ilaujut naunaittumik Nunaqaqqaahimajut nipingit ikajuutikhainnik ihuaqhautikhanut Kanadaup hivunikhainnik. ➤ [Taiguaqhimmaarit](#)



Hivuliqti ilaujuq ilitaqhidjutaanut Atan'ngujalluaq Maligaliqijitkunni

Ubluqtuhiniani 24, Hivuliqti Akeeagok ilauqataujuq uqariingnikkut quviahuutaanut Nan'ngarijaujuq Susan Cooper Atanilluaguhuni Maligaliqijuni Nunavut Kuatiliqidjutinut Maligaliqijitkunni. Hivuliqti quviahuutigijaa Atanilluaq Maligaliqijitkunni Cooper havaariliqtaannut hivuliqtiupluni ukiuqtaqtumi kuatiliqijuni. ➤ [Taiguaqhimmaarit](#)



Hivuliqti Quviahuutigijaa Inuuki Burke's Palihimatkut Iniktirutainni

Hivuliqti akeeagok tun'ngahuktitaajuq ilaupluni ilihaqtut iniktirutainnut Nunavutim nanminia Inuuki Burke Palihimatkut Ilihagutainni Ubluqtuhiniani 6. Inuuki hivulliqpaan'ngujuq iniktiqhuni Palihimatkut Ilihagutainni talvanga 2023 min. [➤ Taiguaqhimmaarit](#)



GN-kut Tun'ngahuktittijaat Kavamanga Kanatami Havaktiit

Malikhautiplugu Nunavut Nunagijait Hanaqidjutikhangitlu Nanminiqhurnikkut Angirut Ubluqtuhirviami, Nunavut Kavamangit upalungaikhimaliqtun nuutaamik munagidjutikharnik. Atuqtakhangit aulatitinaqtun Ubluirviami 2024-mi, kavamatuqani havaktut aktuqniqaqtut nanminiqhuurniq havaat ilauliqtut GN-kuni havaqatigiirnikkut, hakugikhivaaliriagani Nunavumi ajuruirutikhainik ilikut nunanik ihuaqtuniklu munarijutinik. [➤ Taiguaqhimmaarit](#)

Hivuliqti ilauvaktuq AMEmik Katimaqjuarutaani

Hivuliqti Akeeagok, ukuallu NWT ukuallu Nunavunmi Nanminiaqtunun Ujaraqhiuqtit, upautihimajut Katimajit Ujaraqhiurnikkut Katimarjuaqtuni Vancouver-mi. Una hulilukaarut tunihimaarniaqtuq ihuaqtunik pidjutikharnik katitirutikharnik havakvikjuangit hivuliqtikharnik ajuiqhagianganiklu talvuuna havaaqhangit akhurnaqtuq auladjutikharnik maniliurutikharnik utiqtiffaagianganik, munagijakhangit akhurnaqtunik ingilrutikharnik talvuuna alrujaqtuqtunik pidjutikharnik, ikajuutikharniklu Tunnganirmi nunalaangit kinguliuniaqtunik hivunirmi. [➤ Taiguaqhimmaarit](#)



Tikittukhat hulilukaarutikhangit



QITIQQAUTIJUQ 1 - NUNAVUT UBLUA

26^{nik} tikiutingmijut Nunavunmi nunaptingninguliqtun

Ukununga ublumiutanun ilitturidjutikhanun maliklugu Hivuliqti Akeeagok.



بناو نوناڤوت
Building *Nunavut* Together
Nunavut luqatigiingniq
Bâtir le *Nunavut* ensemble

Havagviani Hivulliqtim
Atanguyaq Tuhaumatittiyini
Afsia Hivulliuqtiup
P.O. Box 2410
Iqaluit, NU X0A 0H0

Talafuun: 867-975-5050
Kayumiktukun: 867-975-5051
www.premier.gov.nu.ca